



المحمول..!!

قادر اشوف الكون من غير عيونك كون
بعيوني وحدى اكون ومش بأى عيون
قادر أعيش وهعيش ناسى اللى مر حمنيش
اللى وقت احتياجى لحضنه محضنيش
تليفونى ثابت او محمول بكلامنا كان دايماً مشغول
ع الخط كان قلبين على طول والشبكه عشقت موالنا
وف لحظه زى امنا حوا خرجتى آدم م الجنه
نفس الكلام مبقاش هوا وقطعتى كل خطوط بيننا
نمرة تليفونك وقتها حفظتها وعشقتها
دلوقتى انا دلّتها لأنى مش محتاجها
مبقاش خلاص بيننا اتصالات مبقاش رسايل ولا رنات
مبقتش هسمعلك حكايات كل اللى بيننا اهو ماضى وفات
هنساكى واكنسل أرقامك وان مره طلبتك مترديش

